

紅花茜草銀花。活血解痧毒。

桃仁。破瘀活血。痧爲血阻。非此不流。痧爲血滯。非此

不順。

蘇木。取惡血新瘀者莫及。

荆三稜蓬莪。食積心疼。痧毒阻滯。痞悶者宜用。

牛膝。活血引痧氣下行。

香薷。通上徹下。利水氣。治暑傷之要藥。說詳金三方

牛蒡子。解痧毒清喉。痧中要藥。

劉寄奴。散瘀血。解痧毒。下氣消脹。破血仙藥。多服令

人下痢。

紫花地丁

解毒化斑

澤蘭葉

解痧毒

益母草

女人胎產俱宜。

地骨皮

退熱除蒸止陰虛骨蒸勞熱。

菊花

清心解熱毒。葉亦可用。

青黛

治痧至妙之品。

晚蠶沙

解痧毒治熱。

川山甲

透痧消痰破瘀托毒善走經絡之神劑。經絡

諸藥所不到者。非此不達。土炒末

乳香沒藥。消瘀血而不傷新血。痧症以治血結。

阿魏。破積聚。逐惡血。其功甚大。

角刺。透毒。能引諸藥至于痧毒血瘀之所。

大蘇仁。潤大腸。腸胃燥結者宜用。

雄黃牛黃膽星天竺黃。消痰丸中宜用。

麝香。開竅散痧。功亦甚大。

明礬。解痧毒。消痰定痛。用之探吐宿食甚妙。

石膏。暑痧暑天最多。自汗大渴。用白虎湯卽解。

龜甲、破宿血在胸用上截。在下用下截。去肋酥炙末。

殭蠶、治血分之痰。佐山甲透經絡以破瘀毒。須炒末。

用一二分

童便、解毒消痰降火最速。定痛治血痢。痢下血水。

諸藥莫及。

板藍根、卽靛葉。普濟消毒飲中用之。以解瘟毒。

小青草、一名血見愁。清熱除疹最速。

梅花、得一元之氣。治痧上品。取大半開者。紙籠當風。

處陰乾。桃花亦可。

天仙子 卽紅蓼子治痧塊多用亦去痞積。

紫荊皮 絲一絲七俱用作引。惟絲一有之。

評荊芥細辛防風 痧症寒熱不由外感其毒從鼻吸而入搏擊肌表荊芥細辛善能透竅使由竅入者亦由竅泄防風臣使爲佐不比麻黃羌活專主發表反有升發火毒之慮也。

宜忌相半

羌活 痧忌發表太過若頭痛或因寒起更兼痧症欲引太陽經用半分至二分。

川芎 上行頭目。頭角骨痛者。必需。下通血海。肝藏不華者。當用。用一分至三分止。多則恐提痧氣。

藿香 痧症作吐。取其正氣。以治穢觸。然必痧毒無阻。乃可。俟冷飲之。

沉香、檀香、丁香 痧始發忌用。若痧後心腹疼痛不休。胸脇脹悶。寒凝氣滯。得此可舒。用一分至三分。

生地 涼血。血熱者可用。血瘀者非宜。

當歸 頭身尾各有所宜。用須斟酌。歸尾不妨。

黃連 心脈洪實者可用。能解熱毒。

黃芩 肌熱不退者可用。

上二味冷性凝滯痧中忌

用用須酒炒

元參 咽痛犯腫毒者可用。色黑止血。痧有瘀血忌用。亦能清氣消痰。滋陰潤肺。

花粉 口乾渴連飲水不能止者可用。性沉寒。痧毒未清者忌。恐凝滯痧氣也。

木通車前澤瀉 痧氣鬱阻小便不利在。所當求。若熱鬱太重。不因小水禁用。

黑丑 通上徹下。痧毒脹滿。必須用此丸散中奏效。凡

破氣之味俱莫能及。但耗散真氣。恐人有宜有不宜。故方中不載。

大黃 治食積阻滯。毒爲丸以備急用。其功莫大。若痧脹之極。必須急服此以攻之。恐病有宜有不宜。故方中雖載。不及細加。

補原本未列藥

注取本草

薑黃 理血中之氣。破血下氣。性烈於鬱金。血虛者勿用。片子者入手臂。金七石一絲。一三竹五土二三。

六革八

檳榔 破滯散邪消食行痰墜諸氣至于下極氣虛下

陷者勿用

金七八石六絲一三竹七匏五十一

白蒺藜 散肝風瀉肺氣破血消癥通乳墮胎去刺酒

蒸用

石四絲三四六竹五匏四六草一

降香 辟邪惡療傷瘡止血定痛消腫生肌 金七石

二四五絲四竹五

丹皮 瀉陰胞中火治無汗骨蒸地骨治有汗骨蒸

金六竹二土四草二

蒲黃 性滑行血消瘀通經脈利小便無瘀勿服炒黑

性瀉止一切血 絲六七土三四

白荳蔻 利三焦暖脾胃散滯氣消酒積若火升作嘔
因熱腹痛氣虛諸症咸宜禁之 金八石一絲一

旋覆花 軟堅下氣行痰水通血脈肺與大腸藥虛者
勿多服冷利大腸宜戒 絹包紮煎 金一土六

瓜蘖 降痰治嗽蕩熱滌垢清咽利腸胃虛脾泄者忌
金一加石七歌竹八

大腹皮 下氣行水治痞脹稍涉虛者勿用 酒洗再黑
大豆汁洗晒灰火煨 金一加竹四

威靈仙 善走十二經絡治諸風痰積浮腫閉結大走

真氣耗血 忌茶麪 金一加

飲食第十二

痧氣壅滿胸膈甚者十日五日不飲食亦無妨惟俟痧氣盡然後與之初退覺餓設驟進飲食立能變重必忍耐一兩日乃可萬全痧後多戒葷腥數日庶無屢發之患痛後亦有不喜食者有食而作脹復疼者又有或疑傷寒而餓壞者其間飲食最要斟酌宜忌不可不審也

食忌

生薑 痧所大忌。勿作藥引。圓眼大棗 俱忌作引。辣醬

花胡椒 烟 茶 火酒 醋 麪 索粉 麪筋

糯米團粽 猪羊肉 雞魚 葱蒜 芥菜 瓜茄

水紅菱 糖食 桃梅李杏

發痧若飲粥湯。熱湯。熱酒。輕者必重。重者必危。喫米食諸物。恐結成痧塊。日久變出他疾。難于救療。

忌用熱湯洗。澡。愈洗。愈將毒氣趕入腹內。

食宜

黑砂糖 活瘀血。解痧毒。凡瘀血作痛者。得此則安。

食鹽 解痧毒定痛。用之吐去新食。

芋艿 治痧熱解毒。有痧患者生食之甘美。

燈心湯 口渴者飲之。作藥引可用。

蘆粟湯 山楂湯 蘿蔔子湯 蘆柴根湯

葶薺 百合 藕 西瓜

待痛止後知餓。方可喫飯湯。清水米粥。米糊湯。亦宜少用。且須冷喫。不然則復發。

陳大麥粗粥爲妙

救急試方第十三

芋艿帶毛生嚼。不麻口。

生黃豆細嚼不豆腥。

上二方可試痧亦解毒。

燒鹽湯待冷灌下探吐。或鹽放鏟頭燒紅。淬水中飲。明礬末陰陽水調服。二錢多至三錢。

上二方乃吐新食阻隔痧毒之法。必多飲吐。

陰陽湯。涼水滾湯各半對冲。

陰陽水。井水河水各半。中渴者可飲。

泥漿水服。路上受暑起脹用。仰天皮水攪清飲之。

白沙糖攪梅水服。

細辛末同砂仁湯冷服。此法治氣阻受寒痧。

晚蚕沙爲末白滾湯冷服。

羊糞一把滾湯泡以碗對合一時瀘去渣待冷極飲之。

童便連飲碗許。

蘿蔔英子煎湯飲。

蘆柴根煎湯微溫服。

蘆粟子或粟梗煎湯待冷服。

菜豆煎湯溫服。做菜豆粉泔水亦可。

生豆腐漿喫碗許。

麻油一盞灌下

菜油二兩麝香一錢昏迷欲死者調下立甦

絲瓜葉搗汁飲。又可止霍亂

伏龍肝卽竈心土泡水飲。止嘔吐

蚱蜢五六个煎湯溫服

陳樟木、陳皮等分。東壁土水煎。連進三四服。

銀硃搗細點眼角愈

蕎麥炒焦去壳爲末。溫湯調三錢服。蕎麥與皂礬相反。

日後謹防有犯。此方勿忌